

欽定八旗通志卷二百二十四

人物志一百四

忠義傳十六

蒙古八旗一 天聰五年至順治十七年共六十六人

拜桑武

拜桑武蒙古鑲黃旗人姓扎拉理氏世居烏蘭地

方天聰五年七月以佐領從

太宗文皇帝征明大凌河明監軍道張春率衆來援我兵

奮勇攻擊敵敗走拜桑武率衆追之被傷歿於陣

恩賜雲騎尉世職

承襲詳見世職表

三晉

三晉蒙古鑲黃旗人姓柯勒特氏世居西拉木倫
地方崇德三年隨揚威大將軍多羅貝勒岳託征
明至山東用雲梯兵攻荏平縣首先登城身被重
傷力戰死之

恩賜雲騎尉世職

承襲詳見世職表

扈護巴雅拉

扈護巴雅拉蒙古鑲黃旗人姓博爾濟錦氏世居
扎魯特地方任護軍校崇德三年從貝勒岳託征
明擊馮太監侯總兵於豐潤大敗之出邊時明陳
總兵同三太監率兵拒敵扈護巴雅拉力戰歿

恩賜騎都尉世職後遇

恩詔加至二等輕車都尉

承襲詳見
世職表

喇瑪金州

喇瑪金州蒙古鑲黃旗人崇德六年六月大兵征

明圍錦州大敗明兵於松山八月明軍門洪承疇
督諸將率精兵十三萬赴援

太宗文皇帝帥兵親征喇瑪金州以扎薩克王從事焉越
衆先登突圍衝擊戰歿於陣

詔予優卹

賜達爾罕號

恩賜一等伯世職

承襲詳見
封爵表

布齋

布齋蒙古鑲黃旗人崇德六年十月以護軍校隨
大兵征明錦州圍松山杏山松山總督洪承疇出
兵六千夜犯我營布齋奮勇進擊歿於陣

恩賜雲騎尉世職

承襲詳見
世職表

扎叟兒額布亨

扎叟兒額布亨蒙古鑲黃旗人姓科爾孫氏世居
西喇木魯地方於順治元年隨定國大將軍和碩
睿親王多爾袞入山海關擊流賊李自成兵中礮

陣亡

恩賜騎都尉世職

承襲詳見
世職表

巴拜

巴拜蒙古鑲黃旗人姓額爾特氏世居邁朗古
特地方以護軍校於順治元年從大兵入山海關
擊流賊於昌平州力戰陣亡

賞卹如例

布岱

布岱蒙古鑲黃旗人姓韋默特氏世居翁牛特地
方順治二年以二等侍衛奉差往蘇尼特喀爾喀
地方遇賊戰歿得

賞銀四百兩

克什特

克什特蒙古鑲黃旗人姓西喇氏世居科爾沁地
方任前鋒侍衛崇德八年從奉命大將軍多羅貝
勒阿巴泰攻山東師旋遇明范軍門兵來襲克什

特分兵敗之順治元年從靖遠大將軍和碩英親王阿濟格征流賊至陝西延安府賊犯我鑲黃正白兩旗營克什特率前鋒兵助擊敗之又隨大兵圍荊州同俄謨克圖擊敗其衆進圍承天府同阿思哈敗流賊六百餘衆至九公山遇賊田國公同達蘇奮擊敗之復隨都統庫魯克達爾漢阿賴率兵追賊遇賊兵千餘人擊破之三年隨和碩肅親王豪格征四川同西特庫敗流賊賀珍又擊敗流

賊張獻忠凱旋時賊躡多羅貝勒尼堪兵後卽同
胡沙回擊敗之克什特從征多年所至擊斬敵哨
甚衆嘗生擒六人以功授雲騎尉世職尋加騎都
尉六年正月隨平西大將軍和碩英親王阿濟格
征大同叛鎮姜瓖八月攻大同關廟中礮陣亡加

恩賜一雲騎尉世職

承襲詳見
世職表

彰吉泰

彰吉泰蒙古正黃旗人姓恭努特氏世居扎魯特

地方崇德二年三月以護軍校隨奉命大將軍恭
順王孔有德征明攻皮島力戰歿於陣

賞卹如例

彰古

彰古蒙古正黃旗人姓翁古特氏世居扎魯特地
方任佐領崇德五年從大兵征明圍錦州松山兵
來犯奪我紅衣礮彰古率本旗兵擊敗之旋奉

命於城外挖濠環圍城中騎兵出犯濠塹彰古力戰陣亡

恩賜雲騎尉世職

承襲詳見世職表

博朔岱

博朔岱蒙古正黃旗人姓拜葉特氏世居察哈爾地方以功

賜號綽綸巴圖魯崇德五年以三等侍衛隨大兵征明圍錦州至松山遇敵兵來拒博朔岱奮勇進擊遂歿於陣

恩賜葬銀五百兩

遣官致祭

羅立

羅立蒙古正黃旗人姓鄂爾沁氏初屬察哈爾林丹汗天聰八年大兵破林丹汗羅立乃携戶口一百人來歸特授一等輕車都尉世職崇德三年隨揚威大將軍多羅貝勒岳託征明擊敗密雲縣兵六年隨大兵征明錦州掘壕圍城中悉衆出戰我左翼兵擊之不勝退保壕塹羅立堅守汎地渴

力拒戰歿於陣

恩賜三等男爵

承襲詳見封爵表

阿布喇庫

阿布喇庫蒙古正黃旗人姓巴林氏世居科爾沁
地方初隨大兵征明攻松山時克敵有功崇德六
年復隨大兵取錦州遇敵衆來拒阿布喇庫大聲
呼噪直衝入斬執纛者奪纛而歸旋隨內大臣宜
爾登擊明經略洪承疇援兵力戰歿於陣

恩賜騎都尉世職

承襲詳見世職表

彰庫善

彰庫善蒙古正黃旗人隨父納喀楚自科爾沁來歸任叅領兼管佐領事崇德六年從征明圍錦州再敗敵兵於松山明經略洪承疇卒兵來援彰庫善力戰歿

恩賜雲騎尉世職

承襲詳見世職表

阿布圖

阿布圖蒙古正黃旗人姓求綽特氏世居西拉木
倫地方順治二年以章京銜同副都統葉赫朱瑪
喇等駐扎杭州率步卒敗偽大學士馬士英又同
諾雲多禮等擊馬士英力戰歿於陣

恩賜雲騎尉世職

承襲詳見
世職表

圖渾

圖渾蒙古正黃旗人姓巴林氏世居察哈爾地方
任護軍校順治二年七月隨平南大將軍多羅順

承郡王勒克德渾征湖廣流賊李自成三年二月
於彝陵州擊賊陣亡

恩賜雲騎尉世職

承襲詳見
世職表

席達

席達蒙古正黃旗人姓科爾沁氏任護軍校順治
五年從大兵平定福建力戰歿於陣

恩賜雲騎尉世職

承襲詳見
世職表

武京

武京蒙古正黃旗人天聰三年隨大兵征明至通州遇敵擊敗之又敗明經略盧象昇兵六年同護軍統領席特庫征察哈爾至興安伊卡倫斬獲無算崇德六年復從大兵征明破錦州七年授佐領世職三遇

恩詔加至二等輕車都尉歷官副都統順治九年隨將軍敬謹親王尼堪征湖南流寇張獻忠餘黨戰破於陣